



文祖正訂寒溫條辨 卷五

心悸

悸者、心中築築然動、怔忡不安也、傷寒心悸之由、不過氣虛停飲兩端、氣虛由陽氣內弱、心下空虛、正氣內動而爲悸也、小建中湯、甚則大建中湯、或人參三白湯、脈沉心悸、頭眩身瞶振、眞武湯、停飲由水停心下、心屬火而惡水、水既內停、心不自安而悸、茯苓甘草湯、或五苓散、分利之、脈結代、心動悸、炙甘草湯、又發汗過多、其人必叉手冒心、心悸喜按、桂枝甘草湯、甚則炙甘草湯、又發汗過多、心液虛耗、臍下悸者、欲作奔豚、腎乘心虛上凌而尅之故動惕於臍間、尅、茯苓桂枝甘草大棗湯、寒熱心悸、

小便不利、心煩喜嘔、小柴胡湯、心神不寧、怔忡不寐、硃砂安神丸、若溫病心悸、鬱熱內盛、火性上衝、加味涼膈散、增損三黃石膏湯、看兼證消息之、

小建中湯

方見頭痛門

大建中湯

方見發班門

人參三白湯

方註白虎湯內見裏證門

眞武湯

方見陰證門

茯苓甘草湯

方見短氣門

五苓散

方見裏證門

炙甘草湯

方見裏證門

桂枝甘草湯方見小便自利門

茯苓桂枝甘草大棗湯 太陽病發汗過多，臍下悸者，欲發

奔豚此方主之

汗多心液耗散，腎乘心虛上凌而尅之，故動陽於臍間。

白茯苓

六錢

桂枝

三錢

甘草

炙一分

大棗

三枚

甘爛

水煎溫服

茯苓淡滲伐腎以散水蓄，甘草益氣和中，以補陽虛，桂枝走陰降腎，禦奔豚之未至，大棗益脾助土，制奔豚之上衝。

小柴胡湯

方見裏證門

加味涼膈散

方見裏證門

增損三黃石膏湯

方見裏證門

瘛

瘛者、如角弓反張也、以胃爲總筋、筋急而縮之、故由於濕生熱、熱生痰、痰生風、風火彌盛、木勝尅土、筋不能榮、輕則憊惕、瘛癱、手足戰掉、重則鼻煽目直、頭折臂反、在傷寒以六一順氣湯下之、在溫病以加味六一順氣湯下之、蓋瀉土所以瀉木也、若傷寒有不可下者、以四物湯合桂枝湯、加黃連吳茱萸炒黃芩防風鈎藤鈎則血和、風火自滅也、

加味六一順氣湯

方見陽證似陰門

六一順氣湯

方見陽證似陰門

四物湯

方見頭目眩門

桂枝湯方見裏證門

肉瞶筋惕

瞶者肌肉蠕動惕者筋脈動跳也此因發汗攻下太過邪熱未解血虛氣奪筋肉失其所養故惕惕而跳動也凡傷寒惕瞶兼肢冷者真武湯輕者桂苓甘朮湯汗下後虛極而惕瞶者人參養榮湯大建中湯汗下後虛極煩而不得眠惕瞶者加味溫膽湯若不經汗下而肉瞶筋惕潮熱來尤甚大便必結小便赤滿以手按臍旁硬痛此燥糞也大柴胡湯加芒硝如初病便見肉瞶筋惕必先元氣虛損或失血房室勞役及新產崩漏致有是證人參養榮湯若誤用表藥必無生理倘

不詳辨寒熱虛實而欲治之無差難矣若溫病而見惕瞤之證此陽明火毒陷入厥陰陽明主瞤宗筋燔灼津液弗榮而動加味六一順氣湯解毒承氣湯消息治之設有虛而惕瞤者必入四損不可正治之條一實一虛其脈證畢竟有辨隨證變治全賴醫者活法耳

真武湯

方見陰證門

桂苓甘朮湯

方見頭目眩門

人參養榮湯

方見頭目眩門

大建中湯

方見發斑門

加味溫膽湯

方見不眠門

大柴胡湯 方見表裏兼證門

加味六一順氣湯 方見陽證似陰門

解毒承氣湯 方見陽證似陰門

### 舌捲囊縮

扁鵲曰舌捲囊縮者死、然在古人雖曰死證、亦不可不盡心以救之、但有因熱極而捲縮者、有因寒極而捲縮者、要在詳細辨之、凡熱極者宜下、傷寒從三陽、熱證傳至厥陰、而見此證者、乃肺氣燔灼、水受火困、而不得舒縱、訥菴云、陽明之熱、陷人厥陰、陽明主潤宗筋、宗筋爲熱所攻、弗榮而急、引舌與畢丸爲熱急危殆之候、男子則囊縮、婦人則乳頭縮、如脈實



便秘口渴煩滿之極六一順氣湯加黃連若溫病邪入中焦流佈上下以致肺肝受傷水不勝火陰不敵陽筋脈弗榮故有此證加味六一順氣湯或解毒承氣湯凡寒極者宜溫傷寒始病無熱惡寒便厥逆無脈而見此證乃厥陰虛寒內則經血失養而引急不舒外則肢體蹠曲而下部不溫乃肝氣垂絕之候急用四逆湯加人參肉桂吳茱萸溫之並灸關元氣穴及葱熨法溫病無陰證

六味順氣湯

方見陽證似陰門

加一六一順氣湯

方見陽證似陰門

解毒承氣湯

方見陽證似陰門

四逆湯方見陰證門

循衣摸床

華佗曰、傷寒循衣摸床者死、傷寒論曰、傷寒若吐若下後不  
解不大便、五六日至十餘日、日晡潮熱不惡寒、獨語如見鬼  
狀、若劇者發則不識人、循衣摸床、惕而不安、微喘直視、脈滑  
者生、瀋者死、微者但發熱譫語、大承氣湯主之、若一服利止  
後服、又曰、傷寒手足燥擾、捻衣摸床、小便利者、其人可治、可  
見此證、非大實卽大虛、但參其證、審其音、察其脈、而分治之、  
實而便秘、大承氣湯、虛極熱極、不下必死者、黃龍湯、虛而便  
滑、獨參湯、厥逆加附子、若亡血者、又當用生地黃連湯、大抵

陰陽二氣將絕者則妄言撮空也。婁全善曰：嘗治循衣摸床數人，皆用大補氣血之劑，一人兼調振脈代，遂於補劑中加肉桂五分亦振止，脈和而愈。汪訥菴曰：妄言撮空，有因氣虛陽脫而然者，皆宜用參附補劑。兩說確有至理。若溫病陽明邪熱亢閉，上乘心肺，致令神志昏憤，多有撮空之證，宜解毒承氣湯下之，如火盛精枯，用熟地一兩歸身七錢山藥五錢煎湯入前藥煎服，每收奇功。若久病神昏，氣血陰陽四損者，當從婁汪之說而消息之。

大承氣湯

方見陽證似陰門

黃龍湯

方見發狂門

生地黄連湯 治男婦血風證此去血過多因而燥涸循衣

撮空錯語失神脈弦浮而虛者加人參二錢更妙陽生

陰長之意也

生地黄酒浸一分 當歸酒蒸一分 白朮酒炒一分 川芎一分 黃連一分

酒炒一錢 梔子薑汁炒一錢 黃芩酒炒一錢 防風酒潤二錢 水煎

溫服 脈實加大黃瀉

陶氏曰大承氣湯氣藥也自外而之內者用之生地黄連湯血樂也自內而之外者用之氣血合病循衣摸床證同自氣之血血而復之氣者大承氣湯主之自血之氣氣而復之血者生地黄連湯主之二者俱不大便此是承氣湯對子又與

卷五 循衣摸床

之黃石膏湯相表裏皆三焦包絡虛火之病也病既危急只  
得以此降血中之伏火耳綱目曰四物湯與桂枝麻黃葛  
根柴胡青龍白虎涼膈承氣理中四逆吳茱萸附子等湯皆  
可作各半湯服之此易老用藥大畧也

解毒承氣湯方見陽證似陰門

### 煩燥

煩者心不安而擾擾心胸愠怒如有所解外不見形爲熱尙  
輕燥者身不安而憤亂手足動掉若無所措內外不寧爲熱  
最劇凡傷寒表邪熱甚脈浮緊不得汗出而煩燥者大青龍  
湯大熱錯語呻吟乾嘔不眠煩燥脈數者黃連解毒湯或竹

葉石膏湯、內有燥糞、繞臍腹痛、煩燥調胃承氣湯、誤汗、誤下

病仍不解、煩燥者、茯苓四逆湯、脈必沉細、乃可用之、少陰病

身微熱、脈沉細、手足厥而煩燥者、四逆湯、面赤者、加葱白、若

無脈、乾嘔、煩燥者、白通加人尿、猪膽汁湯、少陰病吐利、厥逆

煩燥欲死者、吳茱萸湯、少陰病下之後、誤下傷陰復發汗、誤汗傷陽晝

日煩燥、陽虛生煩、陰虛生燥夜而安靜、可微裏寒不嘔不渴、可微無實熱無表證

頭不痛、不惡寒脈沉微、沉為在裏、微則陽虛身無大熱者、可微陽微乾薑附子湯、凡

陰極發燥、欲坐井中、或投沉水中、臥者、厥逆脈沉微、一息七

八至、按之則無、但欲飲水、不得入口、此陰盛格陽氣欲脫而

爭、譬如燈將滅而暴明矣、乾薑附子湯、加人參、以接真陽之

氣或可救療。一方以艾湯調服。硫磺末二錢。翌時汗出乃愈。若溫病表裏三焦大熱。渴欲引飲。煩燥不安。多現竒怪不測之狀。增損三黃石膏湯。增損雙解散。升降散。三方並爲對證之劑。予每隨證用之。救壞病而得生者。若許人真希世之珍也。其共寶之。大抵不經汗下而煩燥者爲實汗下後燥煩爲虛。內熱曰煩。謂心中鬱煩也。乃爲有根之火。故大煩不燥爲可治。外熱曰燥。謂氣外熱燥也。乃爲無根之火。故但燥不煩爲不可治。經論少陰病有曰四逆惡寒脈不至不煩而燥者死。煩與燥可治不可治判然矣。凡結胸證悉具燥煩者死。發熱下利厥逆燥不得眠者死。少陰吐利煩燥四逆者死。煩燥

爲有常之病復有不治之證傷寒溫病皆然臨病之工當詳  
細辨之

大青龍湯方見裏證門

黃連解毒湯方見陽證似陰門

竹葉石膏湯方見不眠門

調胃承氣湯方見裏證門

四逆湯方見陰證門

白通加人尿豬膽汁湯方見陰證門

吳茱萸湯方見頭痛門

乾薑附子湯方見咽痛門



增損三黃石膏湯 方見裏證門

增損雙解散 方見陽毒陰毒門

升降散 方見陰證似陽門

懊懣

懣卽惱字  
古人通用

懊懣者鬱鬱然不舒憤憤然無奈比之煩燥而更甚也凡傷寒發汗吐下後虛煩不得眠劇者反覆顛倒心中懊懣與陽明病下之其外有熱手足溫而不結胸心中懊懣饑不能食但頭汗出二者爲邪熱鬱於胸中須梔子鼓湯吐之以湧其結熱也陽明病下之心中有懊懣不煩懣胃中有燥糞與陽明病無汗小便不利心中懊懣者必發黃二者爲邪熱結於胃中

須大承氣湯茵陳蒿湯下之以滌其內熱也若溫病懊憹爲熱毒蘊於胸中加味涼膈散或熱毒鬱於胃中解毒承氣湯識此等證候者吐下之不差湯劑之適當則無不可愈之疾矣一或當吐反下治熱以溫則變證百出斑生黃發者比比也爲醫者請精究之

梔子豉湯

方見裏證門

大承氣湯

方見陽證似陰門

茵陳蒿湯

方見裏證門

加味涼膈散

方見裏證門

解毒承氣湯

方見陽證似陰門

怫鬱

怫鬱者陽氣怫鬱、面色緣緣正赤也、傷寒汗出不徹、陽氣怫鬱在表、不知痛處、須發汗、乃愈、桂枝麻黃各半湯、若腹痛潮熱、脈大而數者、因大便不通、火氣上炎而作面赤、大柴胡湯、時有微熱、怫鬱不得眠者、調胃承氣湯、吐汗下後、虛極、胃中虛冷、外氣怫鬱、乃假色現於面而內寒也、理中湯、加葱白、冷甚、加附子、少陰下利、清穀裏寒外熱、面色赤者、四逆湯、加葱白、若溫病無陰證、滿面色赤、目紅如硃、煩燥、飲水者、此熱毒怫鬱也、增損三黃石膏湯、內實潮熱不大便、增損大柴胡湯、或加味涼膈散、大抵傷寒陰證怫鬱、並汗吐下虛者、自是面

赤而不光彩也若傷寒陽證表不解溫病內實熱甚者赤而光盛也不可但見面赤便以爲熱證也須辨之

桂枝麻黃合半湯 方見裏證門

大柴胡湯 方見表裏兼證門

調胃承氣湯 方見裏證門

理中湯 方見陰證門

四逆湯 方見陰證門

增損三黃石膏湯 方見裏證門

增損大柴胡湯 方見表裏兼證門

加味涼膈散 方見裏證門

鬱冒

鬱爲鬱結而氣不舒、冒爲昏冒而神不清、俗謂昏迷是也、皆因虛乘寒所致、傷寒論曰、諸虛乘寒者、厥爲厥者、鬱冒不仁、此正寒氣乘虛中於人也、駱龍吉以附子湯加天麻川芎乾薑之類治之、傷寒論曰、太陽病先下之不解、因復發汗、以此表裏俱虛、其人因冒、冒家汗出自愈、由表和也、若不得汗不解者、以人參三白湯加天麻川芎、下虛脈微、加附子溫經乃固本也、昏憤耳聾、非大劑溫補不能取效、滋苗者必固其本、伐下者必枯其上、此之謂也、陽明病小便不利、大便乍難乍易、時有微熱、喘冒不能眠、有燥糞也、調胃承氣湯少陰病下利

止而頭眩時時自冒者死以虛極而脫也若溫病蓄熱內逼脈道不利反致脈沉細或閉而鬱冒欲死者加味涼膈散加味六一順氣湯之類治之此事難知曰傷寒心下不痛腹中不滿大小便如常或傳至十日以來漸變神昏不語或睡中獨語一二句日赤唇焦口乾不飲水稀粥與之則嚥不與則不思形如醉人此熱傳少陰心經也因心火逼肺所以神昏蓋肺為清肅之令內有火邪故也若脈在丙者脈浮是也宜導赤散脈在丁者脈沉是也大黃黃連瀉心湯丙丁俱熱者導赤瀉心各半湯在溫病火邪逼肺神昏不醒大復甦飲主之蓋心經透出邪火與夫邪之越經而傳於心及汗多亡陽者皆心神

不足故也、醫者不識此證、便以爲將死、因之誤治者多矣、最  
要忌灸、灸則愈增其熱、最要忌下、與食則曠邪不在胃也、誤  
下則亡其陰、傷寒溫病極多、此證不可不辨也、活人書曰、傷  
寒瘧後久云傷寒後不瘥或十數日、或半月、二十日、終不惶惶、常昏  
沉似失精神、言語錯謬、或無寒熱、或寒熱如瘧、或朝夕潮熱、  
都是發汗不徹、餘毒在心胞絡所致也、宜知母麻黃湯溫覆、  
令微汗、若心煩不眠、欲飲水、常稍稍與之、胃和即愈、未汗須  
再服、以汗爲度、此說亦有理、愚謂須是傷寒不曾大發汗、及  
病以來身無汗者、尤爲相宜、或於知母麻黃湯中加酒炒黃  
連、尤妙、若治溫病、清熱導滯、自能汗解、並無正發汗之理、安

得有汗出不徹之後證乎此中玄妙但可爲知者道也

附子湯 方見陰證門

人參三百湯 方見白虎湯內見裏證門

調胃承氣湯 方見裏證門

加味涼膈散 方見裏證門

加味六一順氣湯 方見陽證似陰門

導赤散

生地黃三錢 木通三錢 淡竹葉一錢 甘草稍一錢 水

煎溫服

大黃黃連瀉心湯 方見結胸痞氣門



導赤瀉心各半湯 治越經證脈浮沉俱有力者

黃連

酒洗三錢

黃芩

酒洗二錢

梔子

薑汁炒黑二錢

知母

鹽酒拌炒二錢

犀角鎊

磨汁另入二錢

人參

二錢

麥冬

二錢

茯神

去木二錢

甘草

生二錢

石

二錢

燈心

三分

生薑

二錢

大棗

二枚

水煎溫服

大復甦飲

方見自汗門

知母麻黃湯 治傷寒汗出不徹後證前論中已辨明

知母

二錢

黃芩

酒洗二錢

麻黃

去節一錢

桂枝

一錢

白芍

一錢

草

炙一錢

水煎溫服

詳證加酒炒黃連

一錢

尤妙

動氣

動氣乃藏氣不調，肌膚間築築跳動於臍傍上下左右及在

乳之下曰虛里者，皆其所聯絡者也。故動有微者，止於臍傍。若動之甚，則連及心。脇真若春春然連續之，而橫身振動者，此天一無根，故氣不蓄藏而鼓動於下。誠真陰失守，大虛之候也。卽在病者，不痛不癢，尙不知爲何故。醫家不以爲意，弗能詳辨。誤治者多矣。活人曰：諸動氣者，不可發汗，亦不可下。以邪之所湊，其氣必虛，卽傷寒虛者，不可汗下之例。卽有汗下之證，但解肌微和胃氣可也。古人治法，以誤汗則傷陽，陽傷則邪併於氣，而氣上沖，或咳嗽眩暈，或心煩惡寒，並宜五苓散，加酸棗仁以降欽之。誤下則傷陰，陰傷則虛陽不

禁而氣下奪，或身熱蹠卧，或下利汗出，並宜大建中湯理中

湯倍加桂苓急溫其理則虛熱不治自息此其意在脾胃虛  
 寒困憊概可知也余治此證則惟直救真陰以培根本使氣  
 有所歸無不獲效右腎虧損則以腎氣丸右歸丸左腎虧損  
 則以六味丸左歸丸或作丸料煎飲傷寒論曰少陰脈不至  
 腎氣微少精血奔氣促迫上入胸膈此奔豚之氣結動於宗  
 膈間而上逆凌心也  
 氣反聚心胞之宗氣反  
 聚而下行血結心下血結於心下  
 而脈不通陽氣退下退  
 陷  
 也熱歸陰股鬱熱歸  
 於氣衝與陰相動與陰氣之  
 脈相動令身不仁此為尸  
 厥麻木不知  
 其狀若尸當亦動氣證也天一無根即此可徵所云傷寒  
 溫病四損不可正治者觀此可例其餘矣

五苓散方見裏證門

大建中湯 方見發斑門

理中湯 方見陰證門

腎氣丸 方註六味地黃丸內見裏證門

右歸丸 方見發狂門

六味丸 方註六味地黃丸內見裏證門

左歸丸 方見發斑門

### 藏結

藏結如結胸狀、飲食如故、時時下利、寸脈浮、關脈細小、沉緊、名曰藏結、舌上白胎滑者難治、註寸脈浮知邪結在陽也、關脈細小、沉緊知邪結在陰也、既結於藏而舌上白胎滑又為

胸寒外證上下俱病故難治也。又藏結無陽證不往來寒熱其人反靜。舌上胎滑者不可攻也。註藏結於法當攻無陽證爲表無熱不往來寒熱爲半表半裏無熱其人反靜爲裏無熱舌上胎滑者以丹田有熱胸中有寒是表裏皆寒故不可攻。蘊要主灸氣海關元穴宜人參三白湯加乾薑寒甚加附子治之。緒論曰舌白胎滑者以其仍邪熱內結所以生胎若內無結邪則胎不生矣只因裏氣素虛不能薰熱故無陽證發現以其本虛邪結故爲難治非不治也謂不可攻者以飲食如故知邪不在胃也時時自利腸中亦無留結也邪既不

在腸胃攻之無益徒伐元氣耳。至於素有積痞又加誤下而

邪結新舊兩邪相搏不解故死然亦不可概爲死證而委之  
不救也調其陰陽使之相入黃連湯主之有腹痛引脇下不  
可按者附子瀉心湯素有積痞痛引陰筋者四逆湯加吳茱  
萸按蘊要治法與緒論治法畧有不同而緒論較穩貴在臨  
病者詳證活法其要之此皆論傷寒治法也若溫病而見臍  
結之證一有舌胎便知熱邪內結卽作用神解散大復甦飲  
之類清解之亦可與大極丸緩下之庶幾可生

人參三白湯

方註白虎湯內見裏證門

黃連湯

方見腹滿門

附子瀉心湯

方見結胸痞氣門

四逆湯 方見陰證門

神解散 方見發熱門

大復甦飲 方見自汗門

太極丸 卽升降散 方見陽證似陰門

### 狐惑病

狐惑者傷寒溫病失於汗下不解所致食少胃虛蟲喘五臟故唇口生瘡蟲食其臟故上唇生瘡爲惑食其肛則下唇生瘡爲狐謂之狐惑者如狐之猶豫不定也其候齒燥聲啞惡食面目乍赤乍白乍黑舌上胎白唇黑四肢沉重喜眠胃虛蟲食殺人甚速黃連犀角湯主之外用雄黃銳丸納穀道中

黃連犀角湯 狐惑病咽乾聲啞此方主之

黃連酒炒二錢犀角鎊二錢磨烏梅三枚木香三分磨汁水煎黃

連烏梅去渣入犀角汁木香汁和服

雄黃銳丸 治狐惑蟲蝕臟

雄黃 黃連 苦參 桃仁 青箱子各等分

為末以艾汁為丸如棗核樣綿裹入穀道中

百合病

百脈一宗舉身皆病無復經絡傳次故曰百合大抵病後虛勞藏府不調所致其病似寒不寒似熱不熱欲食不食欲臥不臥默默不知苦所在服藥即吐如見鬼狀俱因病在陰則



攻陽病在陽則攻陰藥劑乖違故成百合病通宜小柴胡湯  
加百合知母粳米血熱用百合地黃湯緒論曰百合病卽痿  
證之暴者以肺熱葉焦氣化不行以致小便不利又肺爲百  
脈之總司故通身經絡廢弛百脈一宗舉身皆病宜百合地  
黃湯蓋取百合之清肅肺氣以利水道則周身之陽火自化  
耳按此亦傷寒溫病之後證也

小柴胡湯 方見裏證門

百合地黃湯 治百合病不經汗吐下病形如初者

百合 七個 劈破以泉水浸洗去沫另用泉水五鍾煎

取一鍾半 生地黃 二兩 洗淨用泉水五鍾煎取

一鍾半 二汁合一處分二服大便下惡物如漆中

病卽止不中再作服

### 主客交病

凡人向有他病，疝羸或久瘧瀉利，或內傷瘀血，或吐血便血，男子遺精白濁，真陰枯涸，女子崩漏帶下，血枯經閉之類，以致肌肉消爍，邪火獨存，故脈近滑數也。此際一着溫病醫家病家見其穀食暴絕，更加身痛發熱，痞悶不眠，指爲原病更重，誤以絕穀爲脾虛，以身痛爲血虛，不眠爲神虛，遂投參朮歸地、茯神、酸棗、仁之類，愈補愈危。知者稍以溫病治之，發熱稍減，不時得醒，但治法不得要領，病終不解。六脈滑數不去。

肢體時痛胸脇刺痛醫者以雜藥頻試補之則邪火愈熾瀉之則脾胃愈損滋之則邪氣愈固散之則經絡愈虛疏之則精氣愈耗日復一日久之又伏邪與血脈合爲一致彼此膠固脈數身熱不固者邪火與正氣並鬱也肢體時痛者邪火與榮血相搏也胸脇刺痛者邪火上結於膈膜也主客交渾最難得解治法當乘其大肉未消真元未敗急用三甲散多有得生者更附加減隨其數而調之

### 三甲散

主客交渾病

詳論

鱉甲

酥炙

龜甲

酥炙如無酥二味並用醋炙一錢

穿山甲

土炒黃五分

白殭

蠶

一錢生用截斷

蟬脫

全五個

牡蠣粉

五分咽燥不用

當歸

五分

白芍

酒炒甘草五分 麤蟲二個 搗爛入酒取汁聽用其渣

與諸藥同煎 水煎去渣入麤蟲汁和服 若素有

老瘡或癰瘡者加何首烏一錢 懷牛膝一錢 胃弱欲

作瀉宜九蒸九曬 若素有鬱痰者加川貝母去心一錢

若素有老痰者加栝搗爛二錢 嘔則勿用 若咽乾作

癢者加知母五分 天花粉五分 若素有內傷瘀血

者倍俗謂土驚是也 無此物用桃仁泥一錢 乾漆炒烟淨研五分

代之服後病減七八漸進調理法可也

文用 正訂寒温條辨

五卷終



文祖正訂寒溫條辨卷六

婦女傷寒溫病

婦女六經治例與男子無異，但多兼經候，調治爲難。經行之際，用藥必和中兼調血爲主。如傷寒自氣分傳入血分，表證居多，用生地四物湯、合麻黃湯、桂枝湯、葛根湯、小柴胡湯之類。隨證消息之。如溫病由血分發出氣分，裏證居多，用神解散、小清涼散、升降散、增損雙解散之類。隨證消息之。至於傷寒傳裏，熱證治法與溫病雖異，而大畧同。否則邪傷衝任，而爲熱入血室矣。若胎前產後，又當別論。此亦大概言之。神明則存乎人耳。

四物湯

方見頭目眩門

麻黃湯

方見表證門

桂枝湯

方見裏證門

葛根湯

方見表證門

小柴胡湯

方見裏證門

神解散

方見裏證門

小清涼散

方見裏證門

升降散

方見陰證門

增損雙解散

方見陽毒陰毒門

熱入血室

衝爲室海卽血室也衝脈得熱血必妄行在男子則下血譫語在婦人則月水適來惟陽明病下血譫語兼男子言不僅謂婦人也但以婦人經氣所虛邪則乘虛而久故病熱入血室爲多然婦人熱入室血有須治而愈者有不須治而愈者如傷寒論曰婦人中風發熱惡寒經水適來得之七八日熱除而脈遲身冷邪氣內陷表證罷也胸脇下滿如結胸狀譫語者此爲熱入血室當期刺門隨其實而瀉之又曰婦人中風七八日續得寒熱發作有時經水適斷者此爲熱入血室其血必結故使如瘧狀發作有時小柴胡湯主之二者是須治而愈者也又曰婦人傷寒發熱經水適來晝則明了夜則譫語如見



鬼狀者此爲熱入血室、無犯胃氣、及上二焦、必自愈、此不須  
治而愈者也、夫胸脇滿如結胸、謔語、此言適來卽斷、是邪氣  
結留於胸脇、而不去、血結在裏爲實證、必刺期門、隨其實而  
瀉之、不善刺者、以小柴胡湯加梔子丹皮、歸尾、桃仁、紅花、益  
母草、穿山甲、以消之、如熱盛神昏、但頭汗者、加酒大黃微利  
之、以有瘀血、故頭汗出也、寒熱如瘧、發作有時、此言經行末  
盡而適斷、雖有結血、未爲全實、以小柴胡湯加丹皮、梔子、生  
地、歸尾、益母草、以稍之、胃不甚虛者、二  
證並去、人參二者既有留邪、必須  
治之、可也在溫病、並宜增損、大柴胡湯、加歸尾、桃仁、穿山甲、  
若發熱、經水適來、晝則明了、夜則謔語、此則經水旣來而未

斷裏無留滯之邪故晝日明了但暮夜則譫語俟經盡熱墮  
血散自愈不可刺期門犯胃氣及用柴胡犯上二焦也在溫  
病亦宜小柴胡湯去人參加陳皮丹皮梔子黃連益母草太  
清其熱又婦人傷寒表虛自汗身涼四肢拘急脈沉而遲以  
陽標病少陰本病經水適斷桂枝加附子紅花湯又婦人傷  
寒汗解表除熱入血室擾其榮血經水過多不受補益宜芍  
藥甘草湯和之

小柴胡湯 方見裏證門

增損大柴胡湯 方見表裏兼證門

桂枝加附子紅花湯 治婦女傷寒表虛自汗身涼四肢拘

急經水適斷脈沉而遲者

桂枝 二錢 白芍 二錢 甘草 炙一錢 附子 炮八分 紅花 七分生

薑 二錢 水煎溫服

妊娠

妊娠傷寒溫病、六經治例皆同、但要保胎為主、傷寒外感風寒、表證居多、宜汗宜解宜和、不過麻黃桂枝葛根小柴胡等湯、合四物湯隨證治之、自愈、溫病內蘊邪熱裏證居多、不可發汗、急用護胎之法、井底泥塗臍、至關元、乾再易之、或以青黛伏龍肝為末、水調塗之、若大渴乾嘔、錯語呻吟、增損三黃石膏湯清化湯、若熱甚燥急、胎動不安、必須下之、慎勿惑於

參朮安胎之說奪其裏熱庶免胎墜蓋邪火壅鬱胎自不安  
轉氣傳血胎胞何賴酌用升降散增損雙解散加味涼膈散  
或去芒硝以逐去其邪則焰熇頓爲清涼氣回而胎自固反  
見硝黃爲安胎之聖藥歷治歷效子母俱安若治之不早以  
致腹痛如錐腰痛如折服藥已無及矣古人所以有懸鍾之  
喻梁腐而鍾未有不落者在裏證溫病與傷寒治法大畧同  
或曰孕婦而投硝黃設邪熱未逐胎氣先損當如之何余曰  
不然結糞瘀邪腸胃中事也胎附於脊腸胃之外子宮內事  
也大黃直入腸胃鬱結一通胎得舒養是興利除害於頃刻  
之間何慮之有內經曰有故無殞亦無殞也正此之謂但毒

藥治病、衰去七八、餘邪自散、幸無過劑、凡妊娠萬有四損者、不可以常法正治、當從其損而調之、產後同法、非其損而誤補必危、芒硝有化胎之說、不可輕投、若至燥實、非此不可解、救之、有病當之、全無妨碍、不可去也、

麻黃湯 方見表證門

桂枝湯 方見裏證門

葛根湯 方見表證門

小柴胡湯 方見裏證門

四物湯 方見頭百眩門

增損三黃石膏湯 方見裏證門

清化湯 方見頭痛門

升降散 方見陰證門

增損雙解散 方見陰毒陽毒門

加味涼膈散 方見裏證門

產後

產後傷寒不可輕汗、溫病不可輕下、蓋有產時傷力發熱、去血過多發熱、惡露不行發熱、三日蒸乳發熱、或起早動勞、飲食停滯、一皆發熱、要在仔細辨之、大抵產後去血空虛、若誤汗誤下、則亡陽亡陰之禍、更難解救、凡有發熱、且與四物湯、歸芎為君最多、生地白芍須用酒炒、合小柴胡湯加金銀花

澤蘭葉、益母草少佐、乾薑最妙。蓋乾薑之辛熱，能引血，藥入血分，能引氣，藥入氣分，且能去瘀血，生新血，有陽生陰長之道。以熱治熱，深合內經之旨。如有惡路未盡者，黑龍丹必兼用之。如有積熱停滯者，麻仁丸、大柴胡湯必兼用之。不可執泥丹溪之說。胃虛食少者，必加白朮、茯苓。痰飲嘔逆者，必加陳皮、半夏。但藥中必主以四物。人參乃養血務本，滋陰降火之要務也。卽偶爾傷寒，或遭溫病，亦須調理血氣爲主。傷寒內虛外感，以大溫中飲理。陰煎無汗，用麻黃；有汗，用桂枝等湯。頭痛用羌活、川芎之類。加減治之。溫病怫熱內熾，用三合湯加減治之最妙。如萬不能下，升降散無妨。增損雙解散。

去芒硝黃連加生地川芎尤爲對證之藥其餘脈證治法與

男子同

小柴胡湯 方見裏證門

黑龍丹 治瘀血沁入心脾經病百出危急惡疾諸藥不效

者並治難產胞衣不下及一切瘀血不行之證

全當歸 一兩 生地黃 一兩 川芎 一兩 五靈脂 去炒 一兩 良薑

一兩 右五味爲粗末入砂罐內紙筋鹽泥封固炭

火煨紅候冷取出研爲細末再入後五味

百草霜 鄉外人家者佳 五錢 乳香 二錢 花蕊石 火煨醋淬七次 生硫黃

琥珀 另研各二錢 右五味各爲細末同前五味合研勻用



米醋者、麪糊爲丸、如彈子大、每服一九、以炭火煨藥

丸通紅、投生薑自然汁中淬之、或豆淋酒、或童便下化

準繩曰、金華君產七日不食、始言頭痛、痛息、痛又作、既而

目睛又痛、更作更止、如刺如割、相去無瞬息間、每頭痛作、欲

取大石壓之、良久漸定、心痛作、則以十指抓壁、血流滿掌、稍

定、目睛痛又作、則以兩手指剡之、如是十日不已、眾醫無計

偶進黑龍丹半丸、痛苦稍間、中夜再服半丸、寢如平時、至晨

下一行約二升、計如蝗子狀、三疾減大半、已刻又下如前、則

頓愈矣

麻仁丸 跌陽脈在足跌之上浮而濇浮爲陽盛 濇爲陰虛浮則胃氣強陽盛

多熱則瀉則小便難或數陰虛則便難或不禁則頻矣浮瀉相搏

胃氣旺則瀉則小便難或數液熱傷津其脾為約胃強則脾弱不能為胃

苦為胃所約束者此方主之

火麻仁去皮杏仁泡去皮大黃一兩厚樸薑汁炒枳實

五錢麩炒白芍五錢為末煉蜜丸白飲下二錢連服漸

加以和為度

大柴胡湯 方見表裏兼證門

四物湯 方見頭目眩門

大溫中飲 方見陰證門

理陰煎 方見陰證門

麻黃湯 方見表證門

桂枝湯 方見裏證門

三合湯 加減生化小柴胡小青涼三方而一之

治產後溫病大熱神昏四肢厥逆譫語或不語等證若發狂燥結量加大黃芒硝內經日熱淫於內治以鹹寒佐之以苦又曰有病則病當之是也

當歸 八錢 川芎 三錢 桃仁 不去皮尖 炒研一錢 紅花 一錢 益母草 酒洗

去老梗 五錢 軟柴胡 四錢 黃芩 三錢 梔子 三錢 粉丹皮 三錢

白殭蠶 酒炒 三錢 蟬脫 全十 二個 金銀花 三錢 澤蘭葉 三錢

生甘草 一錢 水煎去渣入蜜酒童便和勻服

升降散 方見陰證門

增損雙解散 方見陽毒陰毒門

文祖正訂寒溫條辨

六卷終

產後



文祖正訂寒溫條辨 上卷七

小兒溫病

凡小兒感冒傷風傷寒、咳嘔瘧利等證、人所易知、至染溫病、人多不料、亦且難窺、所以擔誤者良多、且幼科專於痘疹疳積、吐瀉驚風、併諸雜證、在溫病則甚畧之一也、古人稱幼科爲啞科、蓋不能盡罄所苦、以告醫、醫又安得悉乎、問切之義、所以但知不思乳食、心胸膨脹、疑其內傷乳食、不知其爲溫病、熱邪在胃也、但知嘔吐、惡心、口乾、下利、以小兒吐利爲常事、不知其爲溫病、協熱下利也、但知發熱、不知其頭痛身痛也、凡此何暇致思爲溫病、二也、小兒神氣嬌怯、筋骨柔脆、一

染温病延挨失治便多二目上吊不時驚搐肢體發痙甚則  
角弓反張必延幼科正合渠平日學習見聞之證多誤認爲  
急慢驚風轉治轉劇或將神門眉心亂灸艾火雖微內攻甚  
急兩陽相搏如火加油死者不可勝紀三也凡雜氣流行大  
人小兒所受之邪則一旦治法藥餌亦相仿加味太極丸主  
之升降散亦妙四五歲以下者藥當減半三二歲以下者三  
分之一可也臨病之工宜酌量焉

加味太極丸

小兒温病主方

凡温病方皆可隨證酌用

白殭蠶

二錢酒炒

全蟬脫

去土一錢

廣薑黃

三分

川大黃

四錢

天

竺黃

一錢

膽星

一錢

冰片

一分

右七味秤准爲紐

未糯米濃湯和丸如欠實大冷黃酒和蜜泡化一丸  
冷服薄稀燖酒亦可 本方去天竺黃膽星冰片卽  
升降散煉蜜丸卽太極丸是也用之便而且嘉看證

消息治之

升降散

方見陽證似陽門

復病

凡瘥後無故復發熱者以伏邪未盡也謂之自復當問前得  
某證所復某證稍與前藥以徹其餘邪自然獲愈有溫病瘥  
後或三五六日反腹痛裏急者非前病原也此別有伏邪所  
發欲作滯下邪盡利止不止者宜當歸導滯湯又有溫病瘥



後脈遲細而弱、或黎明或半夜後、便作滯泄、此命門真陽不足也。宜腎氣丸、或右歸丸作湯劑服亦可。傷寒論曰：傷寒瘥後更發熱者、小柴胡湯主之。脈浮者以汗解之、脈沉者以下解之。又曰：傷寒瘥後虛羸少氣、氣逆欲吐者、竹葉石膏湯主之。又曰：大病瘥後從腰以下有水氣者、牡蠣澤瀉散主之。按如氣復、雖通身浮腫似水、氣而不喘、別無所苦、與水氣不同。丹溪云：氣易有餘、又曰：血者難成而易敗。大病愈後氣先血而復、氣血不足以配氣、故暫浮腫、靜養自愈。須辨之。又曰：大病瘥後喜睡、久不了了者、胃上有寒、飲也。理中丸主之。夫傷寒自外傳內、邪在陽分居多、瘥後易於復元。復病偷

少溫病邪熱自內達外、血氣大爲虧損、無故最善反覆、如到  
熱退身涼、飲食能進時、服太平圓酒三次、十日之間、精血漸  
充而病如洗、何至勞復、若因梳洗沐浴、多言妄動、遂至發熱、  
前後復起、惟脈不沉實爲辨、此爲勞復、傷寒論曰、大病瘥後  
勞復者、枳實梔子豉湯主之、若有宿食者、加大黃少許、此破  
結除煩、散熱之妙劑也、加大黃則又推蕩經滯矣、余謂氣爲  
火之舟楫、今則真氣方長、勞而復折、真氣旣虧、火亦不前、如  
人欲濟舟楫已壞、其能濟乎、是火也、某經氣陷火、隨陷於某  
經、陷於經絡、則表熱陷於藏府、則裏熱、虛甚熱甚、虛微熱微、  
輕則靜養可愈、重則大補氣血、俟真氣一回、則血脈融和、表

裏通暢、所陷之火隨氣轉輸、自然熱退而病痊矣、若直用寒涼剝削之劑、變證蜂起矣、傷寒多傷氣、宜五福飲、大營煎之類、溫病多傷血、宜補陰益氣煎、六味地黃丸料之類、隨證加減之、若因飲食所傷、或吞酸飽悶而發熱者、此爲食復、輕則梔子厚樸湯、加神麴、或小柴胡湯、合梔子厚樸湯、重則神昏譫語、腹滿堅痛、欲吐不得、欲下不能、此危候也、以升降散大柴胡湯、黃龍湯、涼膈散之類、酌量與服、有病則病當之、亦無妨也、大抵復病治法、溫病與傷寒大同小異、貴在臨證活法耳、

內經帝曰、熱病已愈、時有所遺者何也、岐伯曰、諸遺者熱甚

而強食之故也。若此者皆已衰而熱有所藏，因其穀氣相搏，兩熱相合，故有所遺也。帝曰：治遺奈何？岐伯曰：視其虛實，調其逆從，可使必已也。帝曰：熱病當何禁之？岐伯曰：病熱少愈，食肉則復，多食則遺，此其禁也。吳又可曰：裏證下後稍差而急欲食者，此非得已，以伏邪初散，陰火乘虛擾亂故也。慎勿便與粥食，只宜先進稀糊，次進濃者，須少與之，不可任意過食。過食則復，此一着最爲緊要。世多忽之，至於怒氣病復，房勞病復者，乃度量褊淺，不自貴重之輩，觀其脈證，隨證救之，更有嬌養成性，過於謹慎之輩，或傷寒表證方解，或溫病裏證方退，原不甚虛，輒用參附溫補，是因補而復，以致不

救者又不知凡幾病家醫家尤當深惶大抵治病之法不可執一總要脈證的確耳古人未有不善者偏於溫補而死與偏於清瀉而死其失等也人之一身陰陽血氣寒熱表裏虛實盡之臨證者果能望聞問切適得病情則溫清補瀉自中病情矣何得鹵莽粗疎草菅人命哉噫難矣

按以上證候七十餘條俱從傷寒論中駁出溫病證治之所以異來令閱者了然於心不以溫病爲傷寒不以傷寒方治溫病則患溫者自以不寃矣但有輕者有重者有最重者到底無陰證與傷寒外感不同並非六氣爲病也亦雜氣中之一耳始則發熱頭痛身痛舌上白胎漸加煩燥渴飲水漿或

發熱而兼凜凜或先凜凜而後發熱或晝夜純熱或潮熱或  
往來寒熱或眩暈或嘔吐或痰涎湧盛或嘔汁如血或口舌  
乾燥或咽喉腫痛或咳嗽膿血或喘呃吐衄或心腹痞滿或  
胸脇脹痛或大便不通或小水自利或前後癃閉或協熱下  
利或熱結旁流或下血如豚肝或如膠粘或水瀉無度有舌  
黃胎黑胎者有舌裂者有舌生芒刺者有舌色紫赤者有唇  
崩者有唇黑者有鼻孔如烟煤之黑者有目暗不明目赤目  
黃目瞑目直視目反折者有頭汗盜汗自汗者有手足心腋  
下汗者有耳聾不聞聲者有頭腫大如斗者有喉痛頸腫滴  
水不能下咽者有發狂如顛如癡者有哭笑如常如醉如癡

者有棄衣登高踰垣上屋者有厥逆身冷如冰者有譫語晝  
夜不眠者有昏迷不省人事者有詈罵不避親疎者有蓄血  
吐血衄血毛孔血目血舌血齒縫血大小便血者有發黃者  
有發斑者有發疹者有斑疹雜出者有發頤疔瘡瘡者有渾  
身火泡瘡帶白漿者有首尾能食者有絕穀一月不死者有  
無故最善反復者有愈後漸加飲食如常者有愈後飲食勝  
常二三倍者有愈後耳聾眼花者有愈後退爪脫皮落髮者  
至其惡狀甚有口噤不能張腿出不能伸唇口不住牽動手  
足不住振戰遺尿遺糞圓睜口張咬牙嚼舌聲啞不語舌伸  
外攪沫如水浪項強發痙手足反張肉瞶筋惕骨痠足重舌

捲囊縮循衣摸牀見神見鬼凡此怪怪奇奇不可名牀等證  
有相兼三五條者有相兼十數條者不可枚舉總因血氣虛  
實之不同藏府稟賦之有異其受邪則一而已及邪盡一任  
諸證如失所云知其一萬事畢知其要者一言而終不知其  
要者流散無窮所以溫病無多方也然而陰陽乘除寒熱倚  
仗表裏參錯虛實循環見之真而守之定通乎權而達乎變  
者蓋幾希矣

又按古人謂望聞問切乃臨證之首務診治之要領也明此  
四者則六變俱存而萬病情形俱在吾目中矣醫之爲難難  
在不識病本而誤治耳誤在殺人天道可畏不誤則濟人陰



紙茴香肉桂附子乾薑豆寇益智等味。古人亦未曾道破。余深體驗而知其不可以溫病無風寒與陰證也。但今醫家病家。未有不以溫病爲傷寒者。未有不以傷寒方治溫病者。此固風氣之使然。亦習俗之舊染也。舌敝唇促。難以徧諭。須知死生有命。誤犯禁藥。不過輕重之分。苟從死後而追悔前方。愚矣。又按仲景傷寒論。用生薑桂附者。八十有奇。而溫病非所論也。伏邪內鬱。陽氣不得宣布。積陽爲火。陰血每爲熱搏。未解之前。麻黃桂枝不可沾唇。暴解之後。餘焰尙在。陰血未復。最忌參薑桂附得之。反助其壅鬱。餘邪伏留。不惟目下淹纏。日後必變生異證。或周身痛痺。或四肢拘攣。或留火結

痰或兩腿鑽痛、或勞嗽湧痰、或毒氣流注、或痰核穿漏、皆驟  
補之爲害也。大抵溫病愈後調理之劑、投之不當、莫若靜養、  
節飲食爲第一、而慎言語、謹起居、戒氣惱、寡嗜慾、皆病後所  
宜留神也。

長沙傷寒論、天苞地苻、爲眾法之宗、羣方之祖、雜以後人之  
見、反爲塵飯土羹、莫適於用、茲以自然之理、引伸觸類、闡發  
神明、溫病一證、另闢手眼、却不於長沙論外旁溢一辭、後有  
作者、不爲冥索旁趨、得以隨施輒效、其利溥哉、文之悲壯淋  
瀝、無論也。

當歸導滯湯方見大便膿血門

腎氣丸方註六味黃丸內見裏證門

右歸飲方見發狂門

竹葉石膏湯方見不眠門

牡礪澤瀉湯方見結胸痞氣門

理中丸方註理中湯內方見陰證門

太平圓酒 溫病愈後元神未復腰脚無力渾身酸軟者此

方主之

糯米酒糟 乾炒黃色為末 二兩四錢 主溫中消食除冷氣殺腥去

草菜毒潤皮膚調藏府和血行氣止痛 紅麴 陳久者佳

炒黃黑為末 二兩四錢 主健脾消食養陰滋血 六神麴 陳久者佳

炒黃黑為末  
四兩八錢

主健脾養胃化穀消食

小麥麩

陳麥  
麩佳

去淨麩筋晒乾炒黑  
色為末四兩八錢

主天行溫毒熱極發狂發斑疹

大渴者又主調中養氣健人生力助五藏除煩開利

小腸麥乃養心之穀屬火而麩則能退心熱與胸膈

之熱蓋取同氣相求亦從治之意也

白殭蠶

白而  
直者

黃酒炒黃褐  
色為末八錢

全蟬蛻

去土為  
末四錢

二味前已註明加枳

殼木通治食滯飽悶服散亦妙 右六味和研勻水

丸每服一兩以冷黃酒三兩調蜜一兩送下隔五日

如法再服如是三次開胃進食健人生力只十餘日

仍如無病一般因名其方為太平圓酒

梔子豉湯方見裏證門

五福飲方見鄭聲門

大營煎 治男子真陰精血虧損及婦人經遲血少或腰膠

筋骨疼痛或虛寒心腹疼痛者

熟地 三五錢 當歸 二三錢 枸杞 二錢 杜仲 二錢 牛膝 一錢 肉

桂 一錢 甘草 二錢 炙 水煎溫服如寒滯在經氣血不

能流通筋骨疼痛之甚必加製附子一二錢方妙中

虛寒嘔惡者加乾薑 炒一錢 營虛於上而為驚恐怔忡

不眠多汗者加酸棗仁 炒 茯苓 各二錢 帶濁腹痛者

加故紙 一錢 氣虛有痛者加香附米 二錢 以行之陽

衰氣虛者加人參二錢以補之

補陰益氣煎 方見煩熱門

大味地黃丸 方見裏證門

梔子厚樸湯 方註梔子豉湯內見裏證門

小柴胡湯 方見裏證門

升降散 方見陰證似陽門

大柴胡湯 方見表裏兼證門

黃龍湯 方見發狂門

涼膈散 方見陽證似陰門

女祖正訂寒溫條辨卷之終

梓人李國棟領刊

溫病壞證

女祖飛鸞降著

溫病壞證全篇

凡溫病證出乎常則用治猶易卽溫病證出其變而用治難難猶易也蓋常者正治變者反治或酌證之雜出探證之消息總以對證施治如法應變則病雖劇當漸減而漸瘥也然皆屬證之有成法可師治之有變法可宗者若夫溫病之中尤有其人之臟腑氣血既不堪此溫毒之浸淫其證之暴厲凶危竟致令人旦夕之垂絕倘臨證無起死回生之妙術勢必坐視其斃束手無策也是集特舉溫病無可用治之證在



人卽徒爲悼嘆者另揭爲篇逐列問辨詳論證治不致以  
無從施遂謂大命有定爲可憫也有濟世之權者誠知取而  
玩索則壽人壽世之神妙當匪淺鮮也何幸人之皆深心於  
是篇也

第一問溫病有脈洪而散或沉微而濇人謂不治不知  
猶有治否

辨病不畏劇總在審人氣血之盛衰以定病證之安危蓋血  
足則真陰無虧而陰不慮其或竭氣足則真陽無損而陽不  
虞其過亢正勝者邪自敗邪微者正必強此固理有可據也  
邪氣深入雖輕病猶宜峻防况重以疵癘之毒直據臟腑之  
否則血氣素耗

內乎稍一失治，生死反掌。且稍一遲疑，無可救藥，皆爲勢所必至也。卽如溫病有屬臟腑久虛，痰火久鬱之輩，脈診得浮洪而散，或沉微而濇。夫溫爲熱毒之內伏，脈爲氣血之內應。溫病之脈宜見洪滑，顧脈見浮洪而散，卽脈之浮散知氣血之消耗已極也。脈見沉微而濇，卽脈之沉濇知臟腑之陰陽俱敗也。凡溫病之治法，無不以辛熱甘溫爲禁，脈之沉散與沉濇，旣舍溫補之莫療，值此勢處兩難之證，而有不治復兩窮乎？故古今之論溫者，皆謂溫病得斯脈者不治。良以此證之所由致，在富貴人必淫慾耗竭，在貧賤人必饑飽勞傷。復中溫毒，以陰陽旣消磨於平素，而毒熱復填實於臟腑。臨證

即欲施治究未能有出此萬全之策者特製

攻溫固脈煎 以治溫病脈浮洪而散或沉微而瀋屬其人

臟腑久虛痰火久鬱正不勝邪水不勝火危在一二日

者

熟地 一兩 峻固真陰 當歸 一兩 活其血源 洋參 三錢

輔其正氣 紫草 三錢 大血分開竅以祛毒 澤蘭 三

錢 大氣分行氣以散邪 大黃 酒浸 逐其污穢 芒硝

三錢 破其燥結 白殭蠶 三錢 全蟬脫 十二 解釋溫

毒 白蜜黃酒 各一 助其升降之力 黃連 黃芩

梔子 各三 清其上下之熱水五升先煎熟地當歸洋參

極濃後入諸藥

煎二三沸、傾出、調蜜酒勻冷服、服後不時飲雪梨汁、調  
調新汲水一鍾、滋其化源、使不致燥痰盛、加枳實薑黃  
三錢、破結痰、以解毒熱、更協

第二問溫證有暴熱猝起危在旦夕、或一二日不知猶  
有治否

溫病之壞證無多、必須能識證之變幻、證之險怪、任千情  
萬態之橫生、皆自燎然於心目、而無所眩惑、斯溫病無失治  
之虞、亦鮮有不治之證矣、否則證不熟識、而治欲無謬、也得  
乎、即如雜氣中人、有令人暴發猝起、證見咽喉痛、身痛、口噤

牙緊、面色青黑、橫身經絡皆青、十指色如靛、葉險證百出、奇形莫測、臨證須知青色之遍著、乃陰毒封固、其陽竅也、痛苦之急發、乃邪氣透入於筋骨也、口噤牙緊、無非真陰真陽失其升降、闔之常、咽痛喉燥、無非真津真液失其往來流通之正、一雜氣之淫入、立致變遷如斯、斯證有一二日而危者、有朝發暮死、夕發旦死、甚或不數時間、凶危立見、總以病勢之輕重、卜生死之久暫而已、藉令不知爲溫毒勢、必遇目之下、仍同爲束手待斃之人也、古今來如上論證、卒致危亡、莫救、盲然莫識者、豈可數計哉、竊爲指其治法、凡溫病驟發、身痛咽痛、大滿大脹、十指靛青、通身經絡青紫、暴出如篇中所

論等證急宜先刺尺澤委中令十指血出或用撥正散分  
男左女右吹入鼻中立能致甦內服玉樞丹對證取用自  
無不協散丹俱解見第八問後

第三問温病有臍下動氣而喘不知猶有治否

**發**人身一元之氣屬真陰真陽所往來媾育之蒂卽屬真津  
真液所升降流通之原人得此氣調和而息之深深達之  
靈各不相害必得此氣鎮靜而五行相維百骸相繫各正性  
命凡邪氣安能犯人其中哉卽外而客邪感之內而雜氣中  
之終覺邪不勝正莫能深據爲殃而賈禍於莫測者也惟人  
平昔不知保護令精血枯竭臍下築築然振動是爲真氣動

於氣海卽此內元虧敗已云一蹶恐難再振矧復重之以溫毒內伏兩相亢害尙可冀其萬全無憂歟故溫病之中有所謂喘證者在氣上衝胸而喘知毒熱薰蒸於胸次治可以加味涼膈散蕩胸中之怫鬱在胸脇滿痛而喘知疵癘壅聚於中州治可以解毒承氣湯逐胃中之填實此二證者對證施治皆無不應手而愈也惟溫病發喘證兼見臍下動氣古今醫論皆謂此爲真氣失守雖有神工難慶再生也是集特製方救之深意所在立能更生以永命臨證其取用而玩索之庶有以得至理之匪誣也已

定喘鎮動煎

凡溫病發喘自臍下氣海動氣而喘者是方

正之

伏苓 五錢 伏腎邪以交濟水火 熟地 五錢 滋真陰以潤

燥烈 杏仁 粒十七 潤肺氣以止喘 當歸 三錢 活血祛

熱 代赭石 三錢 用附子煎汁分冷燉十次 墜氣入腎不慮助煩 蟬

脫 蠶蠶各三錢 解除溫毒 黃連 黃芩 各二錢 除其壅熱

都李仁 石膏 滑石 各三錢 清熱潤燥各奏其能

大黃 三錢 逐其結毒 蜜 酒 各一杯 引先用水一斗盛

盆中以杓圓攪逐取水泡干餘珠大當歸熟地茯苓濃

煎後入諸藥煎二三沸傾調蜜酒冷服一次二次去酒

重加蜜為引煎藥逐取水泡者以水中火動故取水之



動爲泡使其同類相招不可不知

第四問溫病有數下之後脈不出厥不回者不知猶有

治否

辨病有輕重之宜察治有緩急之宜分緩者急之必致輕病之增重急者緩之必致重病之莫解此治病之大法也卽如溫病屬熱毒內伏治宜以清下爲先而不得遲疑因循使勢熱如火之燎原不可響邇其猶可撲滅乎誠以溫病之中有內熱之極反露假陰以淆目有若溫病脈沉微甚或無脈證見手足厥逆甚或通體冰冷臨證須知是證必有口舌焦燥二便閉結之可徵治宜急下以救真陰稍遲則無救矣

陰之  
口舌

二便方與傷寒發厥有別 古今醫論皆謂溫病體厥脈厥數下之而脈不

出厥不同者死人之爲是論者非絕無所見而云然也蓋謂溫病之脈得下而猶不出是氣血之真元將竭無力以上應也溫病之厥數下而猶不同是陰陽之真元各裂不相爲維繫也此而謂其必死抑何疑乎然正不得謂其無疑也夫人身臟腑賴氣血以滋榮人身中上資陰陽之交媾以溫病之怫鬱脾胃固當峻下以逐其毒使毒熱祛而水火自各得所升降焉第一下再下直至數下下之力卽猶歛下之法亦不得過峻而遂謂數下脈不出厥不同者之必至於死爲可憫也特製

通脈回厥煎 凡温病體厥脈厥數下之而厥不回脈不出

者是方主之

熟地 一兩 當歸 一兩 滋真陰以潤燥 洋參 五錢 固天

清以下降 大黃 酒浸蒸 三錢 芒硝 三錢 掃熱毒以下出

疆蠶 三錢 酒炒 蟬脫 十二個 解温氣以潛消 火麻仁 三錢 炒

滑石 三錢 肉菴蓉 米泔洗淨 鹽三錢 潤腸胃以散結 薑黃

一錢 寸冬 三錢 去心 開胸結以潤燥 白蜜 一杯 飴糖 一鍾

引水五升先煎當歸熟地洋參極濃後人諸藥煎三四

沸傾調蜜糖勻冷服小便赤加茯苓澤瀉以利之痰甚

加枳實以祛之臨證加減隨宜

第五問溫病誤汗有壞證疊出不知猶有治否

汗爲人身津液所融化而出卽爲人身陰陽所醞釀而成故傷寒初起宜汗以邪自外來得內之氣血流遘自汗出而解溫病初起忌汗以熱屬內鬱苟外之毛竅再洩則汗多必危溫病初起決不可汗如溫證有誤服表劑大汗誤出煩渴不解猶可

以大復甦飲救之有不因誤表自汗如流盛熱蒸騰亦可以增損三黃石膏湯裏實加大黃主之前篇自汗證中已各列問辨統觀自晰至若溫癘證中更有發熱而利自汗不止大汗熱盛狂言不休甚則髮潤而喘汗出如珠種種凶危之證人皆謂其必死蓋以發熱而利自汗不止是陰陽之兩脫也

汗出熱甚狂言不休是真陽之離散也。髮潤而喘知陰已不濟於陽，汗出如珠知陽已不交於陰。以此證之，垂絕如斯，斯豈可謂猶有更生之術乎？然是集特立方救之，雖難言百不失一，而十猶可冀四五之甦也。此中之救與不救惟在人之遇與不遇臨證取用，慎勿疑為迂濶而不思至理所在，終致委珠玉於糞土，等人命於草芥，為足悲也。

洗溫固汗煎 凡溫病誤汗，證見汗出發熱而利，汗出熱甚而狂，甚至髮潤而喘如珠下流急，以是方主之。

當歸 一兩下利者 用土炒熟 熟地 一兩 峻固真陰以孕陽 洋參

五錢 代赭石 火煨 醋三錢 力救真陽以媾陰 地骨皮 三錢

退蒸熱以熄汗

黃連

三錢辰砂煎汁炒

清薰蒸以鎮心

黃

芩 三錢

降肺燥以滅焰

茯苓 三錢

交通水火

牡蠣

粉 五錢

塞汗出之源以固陰蒸熱盛者加大黃石膏奪

熱祛毒更協

白蜜

一杯

童便

一杯

引水五升煎諸藥

濃後入蜜尿調勻冷服外以

麥麵糯米麵五倍子細研赤石脂細研牡蠣當歸共研細

以粗麻布包裹遍身撲運取其收瀋封竅滋陰救陽無

處不周用是方者其如法施治可也

第六問溫病下後有額汗而喘有頭汗而小便不利不

知猶有治否

辨 人生死之機緘，貴知陰陽之離合，陰陽之斷續，可定生死之久暫。蓋陰主降，陽主升，升降不可反其常。陰主血，陽主氣，氣血各宜得其正，否則氣血升降有乖。輕者順者治，猶屬易重者逆者治，爲獨難。甚則治無可施也。如溫病之中，有頭汗出之證，最爲不一。前篇已詳論治，然皆證之未至凶危者也。若夫溫病有下後額上汗出而喘，有下後頭汗出而小便自利，臨證須知下後額汗而喘，是陰竭於下，陽飛於上也。下後頭汗出而小便自利，是陰從便出，陽從頭越也。人謂溫病無不宜下，下後反得逆證，如是是皆死證，不治也。茲特立方救之，臨證取用，其知所命意，則庶幾知陰陽消息之道矣。

濟陰孕陽封汗煎 凡温病下後證見額上汗出而喘及頭

汗出而小便自利甚或額汗出如貫珠等證是方均宜

熟地 八錢 當歸 三錢 下後多先虧陰急用此以滋之

赤石脂 三錢 鹽水炒 塞陰竅以封固 人參 二錢 桂元肉合人乳蒸取汁大

藥 陽將上越用此以固之 代赭 三錢 火焮 鹽水焮 墜真陽以

歸根蜜合餈餅煎共一杯引水三升先煎諸藥濃後入

蜜餈調勻温服亦宜用撲運法如前篇所論更將撲運

等藥末合津液作餅少入附子煎水焙熟包臍包頂心

足心更妙

第七問温病發癡有脈沉伏弦微黑如果實曆何治



辨溫病發癍與疹固已爲溫病之重證然驗之於脈尙覺滑  
數洪長察之如色亦覺鮮紅滋潤則癍疹雖屬胃熱之極而  
治法皆可以應手而愈也前癍疹篇中已詳論證治臨證取  
用自無不協若夫溫病既發癍疹而猶診得脈沉伏弦微察  
其色黑如果實屬夫脈沉伏弦微是真陰真陽之氣爲溼熱  
所暴絕也色如果實屬黑是真氣真血之精爲溫熱所消耗  
也癍疹至於如斯在溫病人皆謂不治以其脈既少神力色  
復無精華固可必其更生無蒂也是集亦立方救之豈故爲  
其難以矜異絕無所試而云然哉良以溫屬毒熱內伏宜其  
證皆屬熱而不宜此沉晦之脈色也人謂如是不知溫毒團

結於胃中無所疏泄則發爲癍疹既多陽極似陰之脈尤多  
毒色隱見之微慎勿謂是證遂爲不治使人束手待斃爲足  
憫也竊爲揭明治法凡溫病癍疹脈診得沉伏弦微色黑如  
果實屬者玉樞丹加當歸青黛殭蠶蟬脫清熱解毒主之  
自見癍疹之毒漸消漸解矣丹解見第八問後

第八問溫病發黃有身如烟薰或環口黎黑何治

**溫病**至於發黃則內伏之熱毒已屬九害之枉稍一失治  
生死反掌然亦有輕重之證宜別明晦之色可驗在輕者其  
色明潤能按前篇所著發黃證治對證施治自可應手而瘥  
若夫溫病之中尤有發黃之重證察其色形體如烟薰或環

口黎黑證見直視搖頭柔汗自出

柔汗卽俗名冷汗也

夫身如烟薰是

火焰燔爍其真陰色已外著之可見環口黎黑是火勢燥焚

於中州色已上應之足驗且直視搖頭柔汗自出是陽極不

媾其真陰證已顯然之可據溫病之發黃證治如斯人謂身

如烟薰直視搖頭屬心絕環口黎黑柔汗自出屬脾絕證皆

不治是集特製方補救須知溫病無非一熱毒團結於脾胃

故火盛則烟焰透出於肌膚火烈則精氣不潤於身體此身

如烟薰環口黎黑等證亦溫病所常見之證也可竟誘爲不

治而坐視以待斃歟用製

散烟退黑煎 凡溫病發黃形體如烟薰直視搖頭環口黎

黑柔汗自出，是方主之。

當歸一兩 活血源以益心 黃精一兩 蒸潤燥烈以濟脾

大黃三錢 滅火之焰 黃連三錢 清火之燥 鷄子清

一鍾降熱滋陰 茵陳蒿三錢 退黃除薰 淮生地三錢

壯水制火 鷄子黃 三個和阿膠三錢 共和攪烱化力救真陰

殭蠶三錢 蟬脫三錢 解釋溫毒 白蜜 黃酒 各一

引水五升煎諸藥濃後入鷄子黃清蜜酒調勻冷服



撥正散 專治雜氣爲病陰陽毒痧脹及一切無名惡證並

食厥氣厥痰厥皆驗

葶撥 二錢 辛熱能除陰寒 雄黃 二錢 解毒行滯 火

硝 二錢 精銳利行 麝香 五錢 大開關竅 冰片 五釐

解散炎蒸右爲細末男左女右以筒吹入鼻中即甦

方名撥正以正爲邪所團結用以撥而出之易亂爲治也

此方大有奇效所當共珍

玉樞丹 一名紫金錠 專治暴中雜氣病昏暈欲倒如霍亂吐瀉擾

腸痧青筋脹心腹痛脹諸般危證並一切山嵐瘴氣水

土不服解諸毒療諸瘡利關竅通百病奇效不可殫述

山茨菇 洪山出百洗去

消磨積毒

川蚊蛤

一名五倍子製淨搥

破焙二兩

收濇正氣兼逐邪氣

紅牙大戟

去淨骨焙一兩五錢

驅

毒降熱使無壅滯

千金子

一名續隨子用鮮者去殼去油一兩

墜毒

下行使無停留硃砂

有神氣者研末三錢

清濁熱之上乘

明

雄黃

鮮紅大塊者研末三錢

解毒醒脾

麝香

揀淨皮毛研末三錢

通關

利竅無微不周、右七味秤準合研勻於石臼內、漸加

糯米濃飲調和、燥澤宜杵千餘以光潤為度、每錠重

一錢、每服一錠、病重者連服二錠、取通利後以溫粥

補之、

方名玉樞、以其一方能括百病、祇在取引煎服、各知其證、